

ОБЛИЧЕНИЕ НА НИКОНА ПАТРИАРХА, НАПИСАННОЕ ДЛЯ ЦАРЯ АЛЕКСѢЯ МИХАЙЛОВИЧА. *)

1: Христолюбивый государь, царь і великіи князь Алексѣй Михайловичь, всея великія и малыя и бѣлыя Росні самодержецъ! милостивно послушай и своего государева богомолца, не свою честь гоняща, но о святой соборной и апостольской церкви боляща ко утвержденію царствія твоего. Въ великіи бо страхъ приведе ны преосвященный Паисія, митрополитъ газскій; сице глаголетъ, яко вси согрѣшаютъ архиерей, что не извѣщаютъ тебѣ, великому государю, о вдовствѣ матери твоея, святыя соборныя и апостольскія церкви, чрезъ правила святыхъ апостолъ і святыхъ отецъ: бо въ трехъ мѣсяцъ вдовствовати правила не повелеваютъ ²⁾, нерадащихъ же о красотѣ ея запрещаютъ и отлучаютъ. Отрекшагося убо архиерейскаго престола съ клятвою правдоглаголивый архиерей Паисія жива погребенна нарицаеть; насъ же, архиереовъ, въ правду порицаеть, сице глаголя: «Пастыри! для какой притчи небрежете престола патриаршескаго, которая есть общія паства? Оберегайтесь, чтобы та ваша неприлежность Бога не возбудила до отменеія і ярости: серпъ бо вижу, рече Захарія ³⁾, летающъ двадесять лакотъ длиною, а шириною десять».

Статья 2-я. «Аще бо, рече, (не) вы архиерей обирани и поставленіи патриаршескомъ что можете чинити, ктоже иной порадѣеть чинити? Ваше то дѣло и ваше радѣние. Для чего вы другъ другу тягости не носите по апостолу ⁴⁾, ни обща воспоминаете себѣ, презрѣвши заповѣдь божию: *возлюбиши ближ-*

¹⁾ Изъ раскольничьяго сборника XVII вѣка Въ рукописи статья не имѣетъ заглавія. Ред.

²⁾ 4-го соб. прав. 25.

³⁾ Захар. глав. 5.

⁴⁾ Къ Галат. с. 13.

ялю своего, яко самою себе, еже есть—всѣхъ христіанъ?» И дивяся преосвященный Писсисъ рече: «Како единая есте вѣры, не милуете свой народъ и сродники своя? И есть ли вы сами о своемъ добрѣ и о своей чести не радѣете, кто иной странной будетъ радѣть?» Сего ради и мы молимъ тебе, христіолюбиваго государя царя: да по заповѣди благочестиваго Пустиняна царя ¹⁾ избраніе сотвориши въ трехъ лицѣхъ, блюдыи себе, да не нѣчто праведно постраждеши, по 38 главѣ тогоже благочестиваго Пустиняна царя. Въ правду убо, благочестивый царю, преосвященнаго Писсисъ митрополита праведное запрещеніе, — «да не нѣчто отъ Бога постраждемъ, не радяще о снхъ.»

Статія 3-я. Сего ради священный онъ мужъ и тебѣ, великому государю, не стыдяся, праведно рекъ, яко, аще ты, великій государь, мать твою, святую соборную и апостольскую церковь, для достойныя притчины и обычаемъ строителскимъ и для причинъ, которыя намъ невѣдомы, о паствѣ царствующаго града не промышляеши: «великимъ грѣхомъ, рече, не согрѣшаешь, отъ меньшагожъ грѣха нѣси свободенъ», — потому что многія соблажняются и почитаютъ то дѣло въ лѣность, что ты, великій государь, не радѣеши и прилежности о тотъ не имѣеши. И моля тебе, великаго государя, твое, благочестивый царю, прилѣжное попеченіе о церкви, потому, яко не укрѣпляются дѣла царскія, донележе не укрѣпятся дѣла матере твоя, святая соборная и апостольскія церкви. Мати бо твоя, рече, благочестивый государю, — церкви божія и, якожъ долженъ еси почитати мать свою, которая тебя родила, много паче долженъ еси любити и почитати, духовную твою мать, святую соборную и апостольскую церковь, которая тебя породила во святѣй купѣли святаго крещенія и которая тебя помазала на царство масломъ и хризмою радости.

Статія 4-я. Но, о благочестивый царю, священнаго онаго мужа неухищенная беседа, пачеже молба и мы, твои государевы богомолцы, молимъ, да дѣйствиена будетъ; вопстинну убо никоторое твое царское дѣло крѣпости имѣти не будетъ, донележе мати твоя, святая соборная и апостольская церковь, отъ смущенія не свободится и благъ пастырь той даруется, могніи правѣ промышляти о красотѣ ея и благъ миръ той даровати. Отнеле-

¹⁾ Нов. завов. гл. 28 і 29.

же бо онъ, Никонъ, начать вводити смущенія догматы, не имамы чисты молитвы къ Богу; но по извѣстномъ его отверженні і воистинну странномъ и недѣпотномъ патриаршескаго престола съ клятвою, преосвященному Паисію, митрополиту газскому, дерзостно пишетъ сице: «Никонъ, божію милостію патриархъ, въ Духъ Святѣмъ преосвященному митрополиту Паисіи милость и благословенія». Облакъ свидѣтелей имать онъ, Никонъ, отрицанію своему, о благочестивый царю: почто озирается вспять? Али не ползова его Христосъ, рекни: «Никтожь, возложь руку свою на рало і зря вспять, управленъ есть во царствіе божіе?»

Статія 5-я. Жена убо Лотова, обратившися вспять, бысть столпъ сланъ, и не дивно: не сохраниши бо заповѣдь пострада въ правду. Не сущее бо Никонъ глаголетъ, патриарха себе нарица и, простъ чернецъ, сущему архиерею благословенія дая ¹⁾: не совершивъ бо службы, изъ церкви изшелъ есть и безъ лѣпоты престолъ оставль гнѣвомъ и яростію, презрѣвъ божіи страхъ: прощенья бо паче долженъ есть просити такового дерзновения и ругательства и многихъ соблазнъ. И гдѣ бо обрѣсти имать въ писаніи таковъ образъ оставленія престола? Дерзость бо оного и безсовѣтня обычай правило сугубо страдати его устроить. Иосифъ бо, мнихъ и молчалиникъ, и сущія съ нимъ черноризцы Святыя Горы явъ показати імуть сице рекуща ²⁾: «Своею волею оставльшу кому святительство аще подобаеъ глаголати: *Благословенъ Богъ нашъ и Боже ущедри ны и благослови ны и Христосъ истинный Богъ нашъ* или кадити, не сущу иному презвитеру, или входить или причащатися внутрь святаго алтаря?» И блаженный патриархъ Николае со всѣми святаго собора отцы сице рекоша: «Никако недостонтъ і на мѣстехъ бо отъ простыхъ людей поставленъ будетъ.»

Статія 6-я. Да аще *Благословенъ Богъ нашъ и Боже ущедри ны и благослови ны и Христосъ истинный Богъ нашъ* глаголати не подобаеъ оставльшему волею святительство и кадити кадилицю, не сущу иному презвитеру: како убо онъ, Никонъ, паки архиерейская дѣйствуетъ и рукополагаетъ, противяся правилу 28 святыхъ апостолъ? Изверженому по праведитѣи вины о

¹⁾ Въ рук. дла.

²⁾ Книг. Корн. вопр. 300, лист. 351.

согрѣшеніи явленіи и паки дерзпувшу прикоснутися преже врученныя ему службы, яко гнилъ удъ отъ церкви отсѣщи повелеваютъ. Не явленно ли согрѣшеніе имать Никонъ, не совершивъ божественныя службы, безчинно изъ церкви изшедъ и безчестно святительскіи саиъ съ себе сверже предъ многими свидѣтели? И не клеветущіи пань быша, но самъ, свою совѣсть познавъ, съ клятвою престола отвержеса, недостойна себе судивъ святительскія власти и чести. Нишъ дерзая пишеть, аки и не осудимъ и ни правилъ святыхъ апостолъ і святыхъ отецъ на себѣ имѣя: будто для непрямая ярости царевы престолъ оставилъ, послушавъ евангельскаго гласа: *егда юмятъ вы, изъ гради бѣгайте.*

Статія 7-я. Но и гонитель слышишиися, о христіюбивый царю, отъ бугаго сего! Никто вѣсть, яко тобою, великимъ государемъ, изгнанъ Никонъ и откуда явленно имать быти гоненіе твое государево къ Никону? Пишетъ бо, яко святительскіи судъ ты, великкіи государь, а у него похитилъ и судяты священныи чинъ мирскія твои государевы царевы люди; а тотъ де судъ припела святая мати церковь, владѣнни де о судѣ церковнымъ противъ преданія святыхъ апостолъ и святыхъ отецъ седми вселенскихъ соборовъ і иныхъ милостивѣйшихъ царей. И то де владѣнне припало твое царское величество: ево самово судишь и преосвященныя митрополиты и архиепископы і епископы, архимариты і игумены и монастыри, освященныя старцы і весь церковныи чинъ. Но о сихъ, христіюбивый царю, отъ него, Никона, при отреченіи престола съ клятвою въ церкви итѣтъ глаголанно или откуда явленно, яко того ради онъ, Никонъ, оставилъ престолъ і нишъ дерзая пишеть къ странному архiereю, гонителя и хинника ты нарицаая, презрѣвъ апостольское правило 84, сиче глаголющее ¹⁾: «Аще кто досадитъ царю или князю безъ правды, аще епископъ или причетникъ, извержется»: царя бо верховныи апостолъ Петръ чтити повелеваетъ; сиче рече: «Князю людей своихъ да не речеши зла»;—и молитися повелеваетъ за царя и за вся, сущая въ величествѣ, досаждати убо князю или царю вѣсмъ возвращено есть.

Статія 8-я. І паки Никонъ пишеть, яко ты, великкіи государь, учинилъ пиръ большой для иткоторого царя Грузинскаго,

¹⁾ Посл. Пет. зач. 58 и 43 и 282.

естьлибы свидѣтельствовать истинными свидѣтельствами путь оного, имъ же идяше,—подобно рещи, яко огонь—хождение того, убогихъ дома пожигая граблениемъ. И егда тому жившу въ пристанищи годъ, пишеть, что ты, великий государь, въ то время собралъ разныя власти, здѣ живущія, и ничево свыше написанныхъ отъ его отходовъ имъ не сказалъ; но то учинилъ, чтобъ живыя свидѣтельства написаны были на него, Никона, отъ нѣкоторыхъ людей, въ твоихъ царскихъ палатахъ живущихъ. А иныхъ де ты, великий государь, мучительства стражаючи, приказалъ говорить, что онъ, Никонъ, добровольно оставилъ престолъ; архiereомъ и прочимъ властемъ будто ты, великий государь, дары далъ, чтобъ руки свои подписали, чтобъ впредь ему патриархомъ не быть; и будто мы, твои государевы богомолцы, даровъ ради учинилися тебѣ, великому государю, послушны: не изыскавъ противной притчи и не роспрося отвѣту, для чево онъ отъѣхалъ, судъ чинили не прямо по твоему государеву указу и всѣ руки свои противъ ево подписали не по преданию святыхъ апостолъ и святыхъ отецъ, приводя правило одно 16 второперваго собора.

Статья 12. Да еще, благочестивый царю, объ тебѣ, равноапостолномъ помазанникѣ божіи, и о всемъ освященномъ соборѣ таковыя хулы дерзаетъ Никонъ произнести, явно имъ отречение престола съ клятвою и безлѣтно: не судъ убо чинити благоволившу ти, великому государю, о немъ и ни винъ искати, чтобъ ему патриархомъ не быть, но безъ зависти и рвенія и кромѣ тщетныя лести распрашивали властей, которыя прилучилися съ нимъ, Никономъ, въ службѣ въ то время. И свидѣтельствовали о немъ, Никонѣ, праведно бояся праведнаго божия суда, и ни по страсти и гнѣву, ни даровъ ради святители убо извѣстали по архiereйству сице; и архимариты і игумены, протопопы и попы и дьяконы сказали по священству и весь причетъ по Христовѣ евангельской непорочной заповѣди сказали: что онъ, Никонъ, самовольно отречеся престола и власти съ клятвою и не пастырь, но пасомая овца звашеся и, не совершивъ божественныя службы, безчинно изъ церкви изыде. Свидѣтельствуеть бо о сихъ писмо ихъ за руками і всего священнаго собора соборное

дѣяние за архиерейскими руками и неромонашескими, въ немъ же не одно 16 правило второперваго собора и 9-е правило третнаго вселенскаго собора, 18-е правило сардійскаго собора и святыхъ (апостолъ?) правило 62, облакъ же свидѣтельствъ и правилъ преподобнаго Никона, ипока Черныя горы, изъ правилъ Матеевыхъ, изъ другихъ божественныхъ писаниихъ. Како лжущи пишетъ Никонъ, яко судъ о немъ чинили не прямой по одному правилу второперваго собора и даровъ ради отъ тебе, великаго государя, учинились послушны и руки свои подписали?

Статія 13. Но и 16 правило второперваго собора нерадившаго епископа о своемъ стаде, ни болѣзни ради, ни царевымъ повелѣниемъ, ни патриарховымъ одержима, вице 6 мѣсяць отъ своєї церкви отшедша, епископскаго сана и чести чюждь праведно сотворити повелеваетъ. И зри здѣ правилнаго суда: не отрекшагося своєї паствы сице осуди, по нерадившаго о своемъ стадѣ. Никонъ же отрекся съ клятвою и безчинно. Пишетъ, что его отъѣздъ не таковъ видится ему быти по евангельскимъ письмамъ, такъ какъ и самъ Христосъ отъ ярости Продавы и жидовскія многожды, охраняющия, отходилъ. Но и подражатель Христовъ наречеса суетловесный сей: и кого убо Прода нарекъ или жидовъ буявылъ? И отъ того съ Москвы побежалъ, подражая Христу! Како не заградятся она хульная уста и невмѣстная глаголющая? Не великимъ бо обозомъ Спаситель нашъ Христосъ бѣгалъ отъ Прода во Египеть, да не убиенъ будетъ; но, смотренна таниство совершая, Пречистою Дѣвою носимъ, единому бывшу хранителю Иосифу обручнику, и тому нищу; и нашего ради спасения нищъ на земли былъ, не имѣя гдѣ главы подклонити. И ни о собраніи богатства пекъся, ни многими вещми, но и уча ученики своя, глаголя ¹⁾: *Блаженни нищій духомъ, яко тѣхъ есть царство небесное.* И свидѣтельствуя о себѣ, рече ²⁾: *лисы язвины и муть и птицы небесныя итѣзда, Сынъ же человѣческій не имать, идѣ главы подклонити* ³⁾.

¹⁾ Матт. зач. 10.

²⁾ Зач. 26.

³⁾ Мар. зач. 32.

Статія 14. Но и отъ зависти жидовския Христосъ въ пустыню отходилъ единъ со ученики своими, немного съ собою запасовъ имѣлъ, пять бо точию хлѣбовъ и двѣ рыбы. Но и снѣя пародомъ предложити повелѣ и ядоша вси и насытились и взяша избытки укрупъ 12 коша исполнь; ядущихъ же бѣ мужей яко пять тысящъ, развѣ женъ и дѣтей. И пакы седмию хлѣбы и малыми рибницами четыре тысящи насыти и избытки укрупъ семь кошь взяша. Но глаголяи, яко подражая Христа, со многимъ богатствомъ изъ царствующаго града изыде. Апостолъ же Павелъ ¹⁾ отъ Иудей, убити его хотящихъ, нощю въ кошницѣ свѣшенъ по стѣнѣ, не много съ собою взять запасовъ и вещей Сице и Петръ ²⁾ ангеломъ изведенъ изъ темницы, а не ушелъ, и уже желѣзныя на руку имый. Архиерен же и сущая съ ними ересь саддукейская исполнишася зависти і возложиша руки своя на апостолы и послаша ихъ въ соблюдение общее, рекше въ темницу; но ангелъ господень нощю отверзе двери темницы і изведе ихъ. И зри, како апостолы изъ темницы изводими бяху отъ святыхъ ангелъ, а не уходили. Но и въ сихъ солгалъ Никонъ: да ни въ темницѣ не сидѣлъ, и оковъ желѣзныхъ на руку и на ногахъ не имѣлъ, і въ кошницѣ по стѣнѣ не свѣшенъ; но, умъ погубя, оставилъ престолъ и, никимъ гонимъ, гордости ради и гнѣва остави власть, многа богатства взявъ, отъиде, всуеѣ вонстинну рекъ: подобяся апостоломъ.

Статія 15. Но и Григоріи Богословъ самовольно оставль престолъ смиренія ради, а никимъ гонимъ; въ негоже мѣсто Нектаріи скоро поставленъ бысть. Аванасіи же великіи отъ Арнанъ 6 лѣтъ по Божию извѣщенію у дѣвцы крышеша еретикъ ради, но не отвержеша престола съ клятвою, остави точию престолъ, повинуся воли Божіи и скрыся, да не, бѣести ради еретикъ, убиенъ будетъ. Властнижъ, собранныя отъ тебе, великаго государя, свидѣтельствующія ево, Никоново, отверженіе патриаршескаго престола съ клятвою, аще и болши 6 мѣсяць прожили на Москвѣ, не суть достойны правилнаго осужденія ³⁾, зане рождышнися во благочестіи

¹⁾ Зач. 28 і зач. 19.

²⁾ Зач. 14.

³⁾ Кареев. собор. прав. 94.

и въ вѣре воспитани бывше цари руку помощи даяти церк-
вамъ должны суть: благочестивыхъ бо царей пособия и по-
мощи церкви всегда требуетъ. Благочестивиже цари должны
суть таковая подавати имъ, яко вѣре суще поборницы, да не
отъ еретикъ или отъ безчинныхъ человекъ преобидимы бы-
вають; всѣ бо седмь вселенстн собори благочестивыми цари
собрани быша, святнѣе и богоноснѣе отцы христіюлюбивымъ
царемъ благопослушны быша и волю тѣхъ *Божію* волю не-
пщеваша. Всеу бо рекъ Никонъ, что не надобно было слу-
шать архиереомъ тебе, великаго государя царя, и не прихо-
дити безъ его повелѣнія.

Статія 16. Но все рекъ Никонъ, возвысився паче мѣры.
Въ поставленнѣ бо святительства во святой соборной і апо-
стольской церкви якова исповѣдь чтена предъ тобою, вели-
кимъ государемъ, и предъ всѣмъ освященнымъ соборомъ и
предъ всѣмъ миромъ отъ него, Никона, сицева и отъ насъ,
архиереевъ, въ поставленнѣ святительства. И аще бы ты, ве-
ликии государь, противно что церкви сотворилъ, въ лѣпоту
бы не слушати и тебе, великаго государя царя, аще и смер-
тию претилъ; но твое, великаго христіюлюбиваго государя царя,
о святой соборной и апостольской церкви, матери твоеі, пра-
ведно и правильно попечение. Сего ради и всѣмъ намъ нуж-
но, да не вдовствуетъ мати наша святая церкви: болѣ бо три-
ехъ мѣсяцевъ вдовствовати той правила не повелевають. И
како убо преслушны явимся, о благочестивый царю, о нихъ
же и молитися должны есмы? Зане въ зазорѣ есмы правильно
отъ страшныхъ архиереевъ: не мы бо во истину отъ него от-
ступихомъ, но онъ насъ оставилъ, и молимъ со слезами:
безчинно отвержеся престола и власти съ клятвою! Всеу бо
поминаетъ правило второперваго собора 13, 14, 15: правед-
но бо тогоже святаго собора 16 правило епископъскаго сана
и чести чюжа его устрояетъ.

Статія 17. Явлена бо вина Никонова—всѣмъ безчинное
его отвержение его престола съ клятвою і всему роснскому
государству, пачеже и самой той соборной и апостольской
церкви крайнее безчестие, яко, и не совершивъ божествен-
ныя службы, не проводивъ обычно Ризы Господни, безчинно
изъ церкви изшедъ. Гдѣ бо въ писаннѣ таково ругательство

отъ православныхъ архiereевъ обрѣсти возможно? Въ правду свои ему сътъ, въ нейже и увязе, и ровъ, егоже самъ себя ископа. И туне молвилъ онъ Никонъ, яко безъ его воли мы, архiereи, тебя, великаго государя, слушаи, въ царствующій градъ собралися. Не послушание точию мы, твои государевы богомолцы, тебѣ, великому государю, должны творити; но и молимъ тя, равноапостольнаго государя, и со слезами просимъ, да упрязнится буеть таковая и безчинна дѣтель: томимый гнѣвомъ туне, исполненный вонстинну неправды и лсти да преданъ будетъ подь крѣпкия начала въ пречестную которую либо лавру; тремъ же монастыремъ строитель отнюдь да не будетъ на нагубу самому тому и другимъ многимъ, но въ молчаніи по своему общанію да спасеть свою душу, въ твоейже, великаго государя, державѣ пакости да не дѣетъ и обидѣ многимъ да не творитъ! Мечъ бо обоюдоостръ—своя ему воля. Аще обрящемъ благодать предъ тобою, великимъ государемъ, не презри молбы твоихъ государевыхъ богомолцовъ: да возметса нечестивый сей отъ среды нашея, да Божіи праведный гнѣвъ не постигнетъ насъ и въ правду постраждемъ, не пекущеса о благихъ. Благопослушливу же ти бывшу, государю, и дѣломъ сотворшу, о нихъже ты молимъ, державу царствія твоего исполниши благихъ и Бога милостива ко всѣмъ намъ сотвориши и самого себе радостна узриши.

Статія 18. Слезно, христоролюбивый царю, изгнанъ насилствомъ и чрезъ умъ пишется Никонъ, і будто для исповѣданія соборной церкви и для самой его неправды неправду поносити понужденъ дѣлатель. Вонстинну неправды и преисполненъ всякия лжи и лсти: приводилъ правило 19 сардійскаго собора, будто для обидѣ въ московскихъ своихъ паствахъ живеть; и паки пишетъ, яко нынѣ въ великое говѣние слышавъ отъ тебе, великаго государя, жестокую грозу чрезъ околичнаго твоего государева Продіона Матвѣевича Стрешнева: что ты, великий государь, буети его не хочешь болши терпѣти. Праведно, вонстинну, то твое государево слово и матери твоей, святой соборной и апостольской церкви, зѣло благопотребно и ко утверженію царствія твоего, аще дѣломъ показати имаши. Но зри, христоролюбивый государю, ру-

гательство оного. Пишетъ; будто слово твое государево показалося ему великая гроза; обаче убо явѣ говорить, что предъ тобою, великнѣи государемъ, никакой вины не знаетъ, опрочѣ того, что пишеть и говорить, постерегаючи неправды твоея; и что, де, ты, великнѣи государь, святѣя божия монастыри до болшаго убожества привесть и церкви божия силою своею рукою разорилъ, разсердився на него, и безъ его благословенія отъ святыхъ церквей и монастырей животы святѣя отнимаешь и безъ суда и повелѣнія архiereйскаго подъ власть свою понуждаешь. Правда ли въ сихъ, христіюлюбивнѣи царю, глаголемая тѣмъ? Аще ли ни, воистинну ругательство.

Статія 19. И паки пишеть Никонъ, что епископы и архiereпты і игумены безъ архiereйскаго избранія по твоему государеву повелѣнію и по рассмотренію поставляются и посылаются и ево, де, самого і весь пресвященный соборъ нѣкнѣи люди судятъ, и называется де тотъ судъ монастырской приказъ, и которыхъ, де, онъ, Никонъ, вѣжаетъ, ты, великнѣи государь, тѣхъ увольняешь и ни во что связку и проклятіе его считаешь и самъ, съ ними соединенъ, на молитву приходишь, будто преступаючи апостольскую 10 и 11-ю заповѣдь. Десятоеже правило святыхъ апостолъ молящагося со отлученными отъ истинныхъ архiereевъ въ правду отлучаетъ; но онъ, отвергнѣи и безчинно престола съ клятвою, итѣтъ архiereей; снче і 11 правило святыхъ апостолъ молящагося со изверженными по правиламъ соборнѣи, а не страсти ради и гнѣва, сего отъ церкви и отъ сана извергаетъ. Но зри, христіюлюбивнѣи царю, правнаго суда ¹⁾: епископа убо всея области соборомъ по нужде 12 епископы судити повелеваетъ, презвитеражъ шестма епископы да судятъ и седмѣи свой да разсмотряютъ о немъ; дияконаже три епископы, четвертѣи свой; по и тако по правиламъ *судимымъ* извергати отъ сана или прокляти всея области соборомъ подобаетъ: свидѣтельствуеть бо о сихъ вся седмѣи вселенстнѣи собори и девѣи помѣстнѣи, по различнымъ временамъ собравшихся еретикъ ради.

Статія 20. На первомъ бо вселенскомъ соборе 318 богоносныхъ отецъ, Ария ради попа собравшихся, извѣстнаго

¹⁾ Карѣ. правило 12 і 20.

ради врага Божия и еретика ¹⁾, хуливша того на Сына Божия, тварь глаголюща, а не Бога и наоборот того блудуща— соборне клятве того предаша. Единоумудрствующаже со Ариемъ нечестиваго Македонца, патриарха Царяграда, хуливша Святый Духъ,—тварь, а не Бога того нарицающа, 150 святіи богоносніи отцы втораго вселенскаго соборіи прокляша. Несторняже, злочестиваго патриарха Царяграда, и сущихъ съ нимъ еретикъ, о вочеловѣченіи Сына Божия блудущихъ,— два бо сына глаголюща: единого Бога, отъ Отца рождена, иного отъ Маріи Дѣвы и по любви соединившихся Богу Словоу, сего ради и Богородицу Христородицу нарицающе;— но сихъ враговъ третяго вселенскаго собора ²⁾ двѣсти святіи богоносніи отцы соборіи клятве предаша, по обращающихся отъ злобы. Но и 4-го вселенскаго собора 630 святіи богоносніи отцы вепря дивнаго Диоскора, патриарха александрийскаго, и архимарита Евтиха и прочихъ съ ними соборіи прокляша, блудущихъ сице, яко по привидѣнію плотъ ирнѣ Господь нашъ. Ісусъ Христосъ. Пятаго же вселенскаго собора ³⁾ святіи богоносніи отцы 165 Оригена безбожнаго, Дидима и Евагрия ирнѣ (?) злѣ хулящихъ, соборне клятвѣ предаша. 6-го же вселенскаго собора ⁴⁾ святіи богоносніи отцы 170, на единоволниковъ собравшеся Сергия и Пира и Павла и Петра, патриарховъ Костантинаграда, и Кирила, патриарха александрийскаго, и сущихъ съ ними еретикъ и иконоборцевъ, соборне прокляша, Господа же нашего Ісуса Христа во единомъ составѣ исповѣдаше, во двоюже естеству—божестважъ іи чловѣчества. Седмагоже вселенскаго собора ⁵⁾ святіи богоносніи отцы 366 иконоборцовъ и християнохулиниковъ Лва Ісавриинна и единомысленниковъ его Анастасія и Копронима и по нихъ бывшихъ патриарховъ Константина града и сущихъ съ ними еретикъ соборне клятвѣ предаша.

Статія 21-я. Онъ убо, Никопъ, безчинно отвергнѣи престола съ клятвою, откуда имать власть связати или рѣшити?

¹⁾ Въ Грамогр. въ царство Костян.

²⁾ Въ царство Маркианово.

³⁾ Въ царство Іустиниана.

⁴⁾ Въ царство Костян. Брадатаго іи сина его Устиниана

⁵⁾ Въ царство Константина и матере его Ірини.

Не имый же власти вязати или рѣшити, како имать несудимыхъ правилити и не обличенныхъ соборомъ проклинати? Кого бо отъ архиерей і святыхъ отецъ единомудръствующихъ съ собою имѣя Никонъ? Ей, никого. Но злобы ради самого себе убивъ, а ихъже прокля безъ ума, сихъ въ правду вѣнча и отъ Бога благодати сподоби. Оружие бо извлече Никонъ, по пророку ¹⁾, сострѣляти убогихъ і нищихъ отъ отъ всякня неправды, заклати хотя правыя сердцемъ. Но оружие его впадеть въ сердце и лукъ его въ правду сокрушися. Хулная же вѣщяя на тебе, великаго государя, неопасива уста имѣя, ясно показуяи въемъ свою злобу разорителя святыхъ божиихъ монастырей і церквей и тебе, великаго государя, нарицаая, свѣтло являя кротость и беззлобие твое государево, въ правду онъ Никонъ святыхъ божиихъ монастыри до большого убожества привелъ: строя свой Новый Иерусалимъ и другия два монастыря, многия скорбь и безчисленную пакость содѣя. Нареченный же его Новый Иерусалимъ противень древиному, о немъже древле пророки проповѣдаша, і Сынъ Слово Божие пресвятима своимъ ногама ходя освати и безчисленными знаменни и чудеса онаго прослави і въ немъ волею благоволи о нашемъ спасенни пострадати і пречистую свою кровь излити. Перваго же епископа Пякова, брата господня, во Иерусалимъ своимъ рукама освати и по воскресенни своемъ божественнымъ своимъ ученикомъ и апостоломъ отъ Иерусалима отлучатися не повелъ, дондеже облечутся силою свыше; і по вознесенни своемъ на небеса къ Богу и Отцу въ день пятьдесятный низпославъ Святаго і животворящаго Духа въ огненныхъ языцехъ во Иерусалимъ же, і на вселсншую проповѣдь отъ святыхъ апостолъ отъ Иерусалима изыде Свидѣтельствуеть бо ясно пророкъ Псаія, *яко отъ Сиона, рече, изыде законъ і слово господне отъ Иерусалима.*

Статия 22-я. Аще бо во Иерусалимъ возрастетъ отъ Духа Святаго вѣра и тамо первѣе распространися, вездѣ въ правотѣрныхъ возрасте, а не приде: отъ Иерусалима пшешедше, укачу языки, но и пакы возвращахуса отъ востоку и до

¹⁾ Псаломъ 36.

послудне и отъ запада во Иерусалимъ апостоли; и тамо при-
бъжище имъ бѣ, во Иерусалимъ бо и гробъ господень и пре-
чистыя Богородицы Дѣвы Маріи житие и успение и гробъ ея
чюдотворный на мѣстѣ, нарицаемѣмъ Гевсимапні, пребываетъ.
Но и въ день воскресения на всяко лѣто преславно огнь, съ
небеси сходя на гробъ господни, во Иерусалимѣ свѣци вжи-
гая, православному патриарху съ причтомъ поющимъ: *Воскре-
сение Твое, Христе Спасе, ангели поютъ на небесахъ. Во-
истинну, благословенъ Господь отъ Сиона, живый во Иеру-
салимѣ.* ¹⁾ І святой убо Захаріи рече: *Обращуся и вселюся
посредь Иерусалима.* На Сионъ спиде Іоанъ Дамаскинъ во-
спѣтъ: *Радуйся, Сионе святой, мати церквамъ, божіе жи-
лище!* Въ томъ бо Господь Богъ тайну вечерю апостоломъ
подаде, разумѣйже церковь, і парече ю въ жилище себѣ до
вѣка. Аще бо и чрезъ триста лѣтъ истинныя церкви во Иеру-
салимѣ не бѣ, одержанія ради мучителей царей, до великаго
Константина; но сихъ ради святая мѣста не погибоша: пуста
бо бысть церкви иерусалимская за неистовство Жидовъ, но
благодати божия не лишися. Отъ всея бо земли и моря
приходятъ ²⁾ вси и благословеніе кипящее отъ Иерусалима
взимають, о немъже пишетъ Θεодоритъ на псаломъ 101:
*Трилюбезенъ бо есть намъ Сионъ, аще и зѣло пуста бысть,
любима же и каменія разореная и персть раскопанная
ручными: память бо сихъ любезна есть насъ ради содѣла-
ныхъ въ немъ великихъ тайнъ и благодатей.* Но скращу за
умноженіе свидѣтельствъ, въ Книжъ бо о вѣрѣ въ первомъ
словѣ аще узрѣть кто.

Статія 23-я. Откуда убо, благочестивый царю, таково
дерзновение Никону, яко свое жилище Новый Иерусалимъ
нарече? *Всяко бо возненавидѣ и не вѣрова въ Сионъ бже-
шимъ тайнамъ, постыдятся отъ Господа и яко трава отъ
огня будетъ изсохши,* по пророку бо: Аммосъ претитъ сице
лють хулящихъ Сиона. И Давидъ утверждаетъ: Да посты-
дятся и возвратятся во адъ вси ненавидящіи Сиона. Смѣху
же достойно, паче же и плачу: и Истру реку зваше Иор-

¹⁾ Псаломъ 49.

²⁾ Въ рус. переводѣ.

данъ. И спхъ ради, нехотящихъ звати Иерусалимъ, Иорданъ многимъ скорбь сотвори. Строящійже его обитель несказанны бѣды подъяша отъ приставникъ его. І въ правду священный Паисія, митрополитъ газской, ево, Никоновъ, новый Иерусалимъ *Никаполима* нарече, сирѣчь: *градовомъ смятении*, (смятенне?) убо по гречески *паникитасъ*, *никосъ* толкуется смятенне, для ради грѣха и смуты, которая прилучилась въ первомъ основаніи его. Никтоже отъ отецъ ни отъ благочестивыхъ царей смят которое жилище или градъ Иерусалимъ нарещи, точию окаянный Мамантъ еретикъ, иже и Параклита себе именовалъ, и двѣ женѣ, съ шмаже блудъ твораше, Прискиллу и Максимилю пророчицы именоваше; градецъ же пѣкніи во верпгистѣй области, смуже имя Пенузанъ, Иерусалимомъ нарицаше. Сему подобно сотвори Никонъ, о немъже свидѣтельствуеть тойже священный Паисія, глаголя сице: «О недостойнствѣ! о неизвычайная новость! Новый Иерусалимникъ, любитель новыхъ речей мужъ! не было пророчества о твоёмъ непрямомъ Иерусалимѣ! О Никонѣ! ново писмо нарицаешь, зъ жиды единомудрствуя! Жидове бо жаляютъ и дожидаются тебе: что изыдетъ воплотится и родится новый Месія въ Новомъ Иерусалимѣ. На удачу не въ твоёмъ ли, о Никонѣ, антихристова будетъ родительница? Но кинь, человекѣ: не шути святыми дѣлы, не играй рѣчьми богоданными. Единъ есть Иерусалимъ на земли, въ немъже и судити будетъ Христосъ вселенный въ правду и воздасть комуждо по дѣломъ его, — о немъже пѣспонѣвецъ вопия глаголетъ: *Въ дому давидовъ страхъ великъ, ту бо престоломъ поставленомъ судятся всака племена земная и языцы*. А второй Иерусалимъ на небеси. Никто не вздумалъ, токмо Мамантъ и Никонъ, но не по достоинству. Блаженный Максимъ Грекъ глаголетъ въ книзѣ своей: *Никоторый градъ, рече, называй Иерусалимомъ, аще і всею вселенною обладасть: единъ есть Иерусалимъ на земли і едина земля Иудейская, въ нейже родися Христосъ, і во Иордани крестися, і на горѣ аворстий преобразися и на Голговъ распятъ бысть и погребесе пѣнде близъ і по воскресеніи со ученики своими 40 дней поживе и отъ горы елеонския на небеса вознесесе.*

Статія 24-я. Никонъ же пишетъ, что крутицкогo митрополита проклялъ для того, что онъ, митрополитъ, въ недѣлю цвѣтоносія по обычаю въ великой Росіи всѣлъ на жребя предъ всѣмъ миромъ. И, бѣдно себѣ вмѣнивъ, рекъ: «Крутицкой митрополитъ, что Евза проклятъ: отческое ложе осквернилъ і отеческой престолъ опозорилъ: безо всякаго сомнѣванія всѣлъ на отеческомъ престолѣ со обиженнемъ отчимъ. А во святомъ евангеліи пишетъ, что одинъ Христосъ сѣдѣлъ и того апостоломъ дѣяти никогда не приказалъ.» Но все рекъ суетливый; забы пресвятый Спасовъ глаголь: *Въруля емя дѣла, яже творю, и той сотворитъ и бола ситъ сотворитъ.* Ди аще въ преестественныхъ божественнымъ своимъ ученикамъ и апостоламъ власть даде, еже бо болящая исцѣляти, прокаженные очищати, мертвыя воскрешати, бѣсы изгоняти: смиренное вхожденіе во Іерусалимъ на жребяти осли Господа нашего Ісуса Христа кто возбранн отъ святыхъ апостолъ і святыхъ отецъ, да не обновица таинство сие на славу пресвятому имени Его? Но аще Христосъ единъ на жребяти сѣдѣлъ и того апостоломъ дѣлати никогда же не приказалъ, нелѣпо баше, по его мудрованію, и ему самому дѣйствовати ваія, еще и не отрешемуса безчинно архіерейскаго престола съ клятвою, зане апостольскіи і онъ былъ намѣстникъ, аще и первый бысть епископъ всего государства росіискаго: первый бо епископъ не начальникъ епископомъ, ни крайній святитель, но епископъ порваго сѣдалища ¹⁾ наречется, рекше царствующаго многонароднаго града: святительскіи бо санъ единъ есть и таже на всѣхъ..... ²⁾ Не наречется сей убо совершенъ, иже несовершенъ, святитель; но вси равни святители, вси епископи, якоже и благодать Святаго Духа равно приемше. Въ правду своя ему хула на свою главу да обратится! И второе самъ себя прокля, отрицающа престола, и сѣдства ради ваія гнѣвомъ томимъ, но имый власти ничтоже, ради извѣстнаго отреченна, простъ чернецъ — хапаетъ, яко звѣрь, виѣ ума бывъ. Аще бо истиннаго архіерея, власть архіерейскую имущаго і священства благодать, проклинаетъ, игрия, досадити хотя; но нѣсть се игра по мнѣнію суету-

¹⁾ Правило Кар.соб. 39. ²⁾ Въ рукописи пропущено, въроатно, слово: *благодать.*

дренаго ¹⁾: вонстинну, свой ему мечь его самого гнѣвомъ напыщенное сердце проидеть. И не туне въ правду проклять первѣе самѣмъ собою, отрицаяся престола, не хотя пастырѣ быти, но окрастованную овцу себе нарицаше; второе — своимъ ему судомъ, имъже безъ вины тѣхъ осудилъ, зане и самъ былъ митрополитъ въ Новѣградѣ вая дѣйствовалъ. Аще бо по того мудрованію ихже (прокля), то и прокляти быша і въ другихъ градѣхъ дѣйствующая вая, клятвы не отбѣгоша и вси сообнающіи ся имъ.

Статія 25-я. Но нѣсть тако, благочестивый царю, яко же онъ, Никонъ, суетумудреный, смыслы, учимъ вонстинну древнимъ челоукоубицею дияволомъ и съ нимъ совѣтуя всегда, рѣхъ, ко отчаянію привести тѣхъ и всѣхъ погубити хотя. Забы пресвятый Спасовъ глаголъ: *Миръ мой оставляю вамъ и миръ мой даю вамъ.* Но нѣсть сей сынъ мира, но древняго злодѣя сынъ, ищущаго всѣхъ поглостити,—гнилая вонстинну глава, но не церковнаго телесе, своимъ его послѣдующа мудрованіемъ его, прокажены вся имѣя уды и чюжь бывъ благодати священства, неслѣпотнаго ради отверженія престола съ клятвою. Вѣ бо ума бывъ, сущен главѣ церковнаго телесе досаждаеть, истинныя архиереи сыны себѣ нарицаеть, недостойнъ вонстинну и прага церковнаго, зане, чрезъ правила святыхъ апостолъ і святыхъ отецъ, еще въ мирскихъ священство приять; не къ церкви бо и престолу поставленъ, но на дворянской дворѣ въ крестовыя попы, обозгавъ архiereя; мира же отвергнуся не любви ради Христовы, ниже смиренія ради, но вѣшнюю честь и славу гоня, нѣкоему рекшу къ нему, яко великъ имать быти, аще пострижется. Но съ волею же подружні своя, но и клепущіи его, оставлю любобачалія ради и отлученя отъ нея чрезъ правила святыхъ апостолъ і святыхъ отецъ. Въ правилѣхъ ²⁾ пишеть сице: Аще кто дѣйствуетъ или воздержитя, мерзокъ творя бракъ і яко гнусно отшедъ, а не доброты ради і святаго дѣвственнаго пребывания, да будетъ проклятъ ³⁾. Да аще убо проклинаеть благовѣрныя ради отшедшихъ, еже есть іночествовати, то колми паче богатства ради и чести? І святыхъ

¹⁾ Въ рус. *суддино.удренаго.* ²⁾ Гиягрского прав. 9. ³⁾ Корич. 146.

апостоля правило 15 сице глаголетъ: Аще презвитерь или дияконъ помощнику свою изженеть, да отлучится; аще же не введеть ю паки, да извержется. Богатстваж ради и чести болшия жены своя пуцающа не точию отъяти санъ божественное писанне велить отъ нихъ, но и отнюдъ прокляти и отъ святаго обшениа отлучити. Но вѣждь, христолюбивый царю, яко Никонъ не въ сихъ точию увязе, но и сугубо обруга себе самъ. Егдѣ бо въ царствующемъ градѣ Москве белцемъ, а священноиноческую благословенную грамоту взявъ, оболгавъ преосвященнаго митрополита Антонія (Авѣонна?) новгородскаго і Никона себе нарекъ преже пострижения своего волю и, ѣдучи во анзерскую пустыню, на Вологдѣ въ паперть церковній Пльинскимъ игуменомъ Павломъ пострижень, а не въ церкви; приѣдучи въ пустыню, абие священноиноческая дѣйствовалъ и подъ началомъ не бывалъ. Аще всю жизнь ево кто извѣстно вѣдали, преже приа чести и власти, въ правду бы рекъ, яко на прагъ церковный нѣсть достоинъ взяти.

Статія 26-я. Преосвященный же Пятиринъ, митрополитъ сарскіи і подонскіи, аще і тремя епископіями владѣеть, но не похити другихъ престолы; свое ему званіе крутицкіи митрополитъ, а не другихъ епископіи. По отреченні бо его, Никоновъ, престола съ клятвою і по презрѣнні молбы тебе, христолюбиваго государя царя, и триехъ архiereовъ і всего освященнаго собору і всего причта, послѣдующу тому своей ему воли и юзою анаѳема себе связавшу, яко ни мыслити ему патриархомъ быти и сице рекшу: *да не уподоблюся псу, возвратившуся на своя блевотины*, и сице тому обругавшу царствующаго града престолъ и святительскую власть, яко, ни божественныя службы совершивъ, безчинно изъ церкви изшедъ, и никимъ гонимъ: обаче ты, христолюбивыи государь царь, і въ другій день паки молити того послалъ боярина своего государева, князя Алексея Микитича Трубецкова, яко же і въ соборную церковь, къ нему на подворы, сице і третицею тогоже боярина въ воскресенской монастырь посмалъ. По ярости и гнѣва исполненні трижды отъ тебе, христолюбиваго государя царя, молбы не приемъ и третицею отвержения ни мыслити хотя ириати престолъ. Тогда, христолю-

бывый царю, волею твоею государевою и совѣтомъ архіерей царствующаго града, святыхъ соборныхъ и апостольскихъ церкви правление ввѣрено бысть преосвященному Питириму, митрополиту. Не властнѣже взять и суздальския архіепископїи правление, по твоеюже волею государевою, оклеветану бо сущу архіепископу і не приемлему грацкими жители. Не противъ же правиломъ содѣя. Во Антнохїи сиретѣй правило 18, аще и чести епископския не отъемлетъ отъ таковыхъ і служити не запрещаетъ, но ожидати велитъ всея области епископъ, да соборнѣ управятъ о немъ, стужающаго же другимъ епископнѣмъ таковаго отлучити повелеваетъ; хотя же да причтенъ будетъ презвитеры, равну честь прияти ему велитъ; аще же і противу ту сущимъ епископомъ молбу творити начнетъ, и отъ презвитерския чести да изринется и отъ церкви отлученъ. Сихъ ради нужно, благочестивыи царю, другаго архіепископа иже дондеже о немъ соборомъ управится, епископїи той не съзѣ правления быти.

Статія 27-я. Всеу молвитъ Никонъ, что преосвященный Питиримъ, митрополитъ сарскїи и подоискїи, отческое ложе осквернилъ и отческїи престолъ опозорилъ, безъ всякаго сомнѣванія всѣмъ на отческомъ престолѣ предъ всѣмъ миромъ со обиженіемъ отчимъ. Преосвященный Питиримъ митрополитъ не опозорилъ патриаршескаго престола; но онъ, Никонъ, патриаршескїи престолъ обругая безлѣпотнымъ отреченіемъ і ко блевотинѣ песьѣ того приложи: *да не возвращуся, рече, яко песь на своя блевотины.* Обаче безъ всякаго сомнѣванія пакы алетъ престола и, приобидѣвъ правила святыхъ апостолъ і святыхъ отецъ, архіерейская властнѣ дѣйствуетъ, отчаявся. Преосвященный же Питиримъ митрополитъ не безлѣотно что содѣя и ни своею волею честь приемъ, ниже чрезъ правила святыхъ апостолъ і святыхъ отецъ. Всеи бо епископи, суще по образу Господа нашего Ісуса Христа, — глава церковнаго телеси ¹⁾. Градстїи бо епископи — по образу суще 12 апостолъ вси, на нихъже дуну Господь: *Примите, рече, Духъ Святый,* і на нихъже низпославъ пресвятый і животворящїи Духъ во огненныхъ языцѣхъ; и глаголаша странными языки, иже і благодать Святаго Духа дасть

¹⁾ Правило святыхъ апостолъ 18, въ Новой Кесар, прав. 14.

вѣрено бысть. Селстиже бо епископи по образу суще седмидесяти апостолъ, имъже есть дарованно благодати Духа Святаго раздаанне. Зриже, христоролюбимый царю, и равенства градскихъ епископъ: по образу бо суще двюнадесяте апостолъ вси. Зриже и любомудрия апостолъ, яко, егда Филиппъ, иже отъ седмидесяти дяконъ сѣи, шедъ въ Самарію, крести многи,—і слышавше апостоли во Іерусалимѣ, послаша верховнѣйшаго Петра і Иоанна, и ти безпрекословно послушавше всѣдше полагаху руцѣ на крестившихся,—і приимаху Духъ Святыи. По которому образу Никонъ, будучи на престолѣ, поработилъ свою братню архиереовъ, обругавше патриаршескии престолъ, и сыны себѣ нарицаеть и обычно архиерейская дѣйствующихъ проклинаеть, отъемля царствующаго града красоту и честь? И паки молвить, яко преосвященный Питирій, митрополитъ, константинопольскаго патриарха паствы, рекше киевския, изволившу ти, государю, и совѣтомъ всѣхъ архиереовъ всея великия Росіи, Меѳодія во Мстиславль и Оршу постави во епископы, не единъ же, но со другима трема архиереома і во время поставлення на первомъ мѣсто сѣдѣлъ по чину, сущимъ съ нимъ архиереомъ степенми нижайшимъ. І се—не чрезъ правила святыхъ апостолъ і святыхъ отецъ; по правиломъ бо два или три епископы поставляютъ епископа; і индѣже пишеть, яко епископъ отъ всѣхъ епископъ, сущихъ во области, поставляется; аще ли ни, обаче отъ трехъ поставляется, прочимъ же писаниемъ сложившимся, власть же митрополит. Аще бо и 6-е правило вселенскаго собора коемуждо патриарху своимъ предѣлы обладати и никому же ихъ инья области не возищати, не бывшиа прежде подъ рукою ихъ изначала: се бо есть гордость мирския власти, и кромѣ бо воли старѣйшаго сущаго въ митрополіи епископа, рекше патриарха или митрополита, избранніи 15 поставленне по бываетъ. Не епископъ бо, аще и поставленъ будетъ въ правду, но мняйся старѣйшина быти ¹⁾ съ клятвою безчинно отвержеся престола и на мѣсто отъ простыхъ человекъ самъ себе сведе и безъ отвѣта долженъ есть о своихъ грѣхъ плакати. Аще бо по симъ правиломъ ²⁾

¹⁾ 2-го вселенск. соб. прав. ²⁾ Прав. 3 во Автохалі.

и не убѣхомъ вины, но должны есмы прощенья просити у Костянтинопольскаго патриарха, зане области его прежде сего та страна была ¹⁾, нынѣже волею божнею подъ рукою тебе, христіюлюбиваго государя нашего царя; и не чрезъ бо волю твою государеву отъ насъ содѣянно что съ тобою, великимъ государемъ. Къ Костянтинопольскому патриарху и прощенья просити должны есмы.

Статья 28-я. Во время бо великаго князя Василя Васильевича всея Русіи по Ѳотіи митрополитъ въ царствующемъ градѣ Москвѣ истиннаго пастыря не бысть 18 лѣтъ. Въ та бо времена прииде Исидоръ митрополитъ къ Москвѣ, родомъ Латыникъ, иже поставленъ во Царьградъ отъ патриарха Юсифа при царѣ Иване Калужане. И бывъ Исидоръ на Москвѣ четьре мѣсяцы, и поиде на Ѳлоренскій соборъ и предствившеся съ патриархомъ Юсифомъ и со другими епископы златомъ, съ нимъ и царь Иванъ Калужанъ сложися. Точию блаженный Марко, митрополитъ евекскій, і Григорій, митрополитъ иверскій, Исакій, митрополитъ витриискій, Совероній, митрополитъ гаскскій, и сущіи съ нимъ, иже латинское злочестіе обличаху и соборъ той проклятымъ называху; блаженныи же Марко и чудеса показа. Царьградскій же патриархъ Иосифъ на томъ проклятомъ соборе умре и погребенъ бысть въ латинскомъ костеле; царь же Иванъ Калужанъ, идый отъ богомерскаго собора, абие умре, егоже и земля трижды погребенна изверже, и тѣло его отъ несть снѣдено бысть. Суемудренный же Исидоръ прииде къ Москвѣ и нача поминати въ первыхъ папино имя; великій же князь Василю Васильевичъ, аще тогда и младъ съи, но старыхъ премудрыхъ бѣше разумень,—Исидора, въ прелести суща, обличи его безуміе и отъ митрополіи изверже, посла въ Чюдовъ монастырь. Онъ же пощю убѣже бездвернемъ и со ученики своими со Григориемъ и Аѳонасимъ. Евгениіже папа постаси въ Царьградъ на патриаршество отъ Латынъ именемъ Григорія, пострижену браду и усъ имуща. Сего ради великій князь Василю Васильевичъ, совѣтовавъ со архиереи всеа великия Росіи, въ митрополиты резанскаго епископа Іону чудотворца своими рускими архиепископы і

¹⁾ Прав. 9.

епископы і всімъ священнымъ соборомъ въ лѣто 6956 году (постави). Въ то убо время Исидоровъ ученикъ поставленъ митрополитомъ въ Киевъ отъ Латынника, отъ цареградскаго патриарха Григорія, пострижену браду и усъ имуща, отступника православныя вѣры. И егда приде въ Киевъ Григоріи митрополитъ, раздиратель церковніи, Исидоровъ ученикъ, нарицаая себе митрополитомъ киевскимъ и всеа Русні, блаженныйже Іона, митрополитъ московскій и всеа Русні, писаше ко кралою—не приимати Григорія, раздирателя церковнаго, і не послушанъ бысть, въ лѣта 6961-го. І оттоль раздрася киевская митрополія съ московскою всеа Русні, еретикъ ради, а до того времени одна паства была. Но Ионъ же, митрополитъ, поставленъ бысть въ царствующемъ градѣ Москвѣ въ митрополиты Θεодосіи, архиепископъ ростовскій, рукоположенемъ своихъ рускихъ архиепископовъ і епископовъ. По лѣтъ же единомъ Θεодосіи, митрополитъ московскій і всеа Русні, постави на Москвѣ въ митрополиты Іосіа въ Кесарию Филиппову, во Иерусалимъ отгуду пришедша. І по сему не новъ обычай каковы любо ради вины поставляти епископы и въ другія паствы.

Статія 29-я. А еже пишетъ Никонъ, что преосвященный Питиримъ, митрополитъ сарскій і подонскій, во своей области какъ и поставленъ не бываѣтъ; но преосвященный Питиримъ митрополитъ во своей области живеть, какъ и прочія митрополиты, преже его бывшия. Въ лѣпоту Никонъ сказалъ: «Проходилъ ли онъ своя паствы грады?» Бывъ въ митрополитахъ въ Новѣградѣ такоже і въ патриархахъ своя области градовъ, уча ко благочестию, всяко не проходилъ, точию благочестивыя священноархимариты и игумены і протопопы и попы гонилъ, а послѣдующихъ воли его, мира сего мудрование имущихъ, любилъ; но і тѣмъ пакости многи творилъ. Прежде его бывшия патриархи въ царствующемъ градѣ Москвѣ и преосвященныя митрополиты, архиепископы і епископы всеа великия Росні, аще і градовъ своя паствы по правиломъ не проходили дальнаго ради расстояннн или тѣгости ради людей; но учителя церковныя благочестивыя архимариты і игумены і протопопы і попы во грады поставили, могущія ползовати вѣрныя люди, отъ нихъ же мнози обрѣтшеса отъ невѣгласъ

и страдалцы, по писанному ¹⁾: *Хотящій благочестно жити о Христвъ Исустъ юними будутъ*. Сихъ ради, благочестивыи царю, і нынѣ тебе молимъ і, припадая на колѣни, милости просимъ: даждь миръ матери твоей, святѣй соборнѣй и апостольствѣй церкви! Миръ же устроить никакo имаша, аще истинныхъ архiereовъ искати не будешь, проходящихъ добродѣтель і въ чернечествѣ свидѣлствованныхъ: егоже бо избрати волиши во архiereи, чтобъ отнюдь не менши 15 лѣтъ въ чернечествѣ былъ і въ послушаніи у старца искусна бывъ і въ чернечествѣ въ добромъ свидѣлствованъ. Царствующаго же града перваго сѣдалища епископа, рекше патриарха, избрати благоволи священное писание протоковать могуща и разумѣюща все божественное писание со испытаниемъ и священная правила святыхъ апостолъ і святыхъ отецъ извѣстно вѣдуша, въ лѣтѣхъ же совершенна суца и добродѣтели и крайнимъ смиреномудриемъ цвѣтуца, свояже воли исправити догматы не имуща, но совѣтомъ, а по дерзостно исправляюща, ревнителя же о благочестіи і не стыдящеся лицъ, многолѣтна въ чернечествѣ суца і въ послушаніи, во еже обрѣзати своя ему воля крѣпко обучившася. Красота бо старецъ — со смиреномудриемъ высокое житие и не своя воля. Архiereю бо совѣтливу быти подобаетъ і ничтоже дерзостно творити, да не многимъ соблазнъ і претыканіе будетъ. Во мнозѣ бо совѣтѣ спасеніе бываетъ, якоже богоотецъ и пророкъ царь Давидъ, вопия, глаголетъ: *Въ совѣтѣхъ правыхъ и сонмъ велия дѣла господня изыскана во всѣхъ воляхъ Ею*; і индѣ ишесть: *коли великъ еси, толико смиряй себе*. И снче, христіюбецъ, не менши 60 лѣтъ да будетъ, яко присно смерть предъ очима имѣти будетъ, едино мудрствуя, да благолѣши церкви сохранить и не бы зданіи каменныхъ ни о строеніи градовъ и селъ, но о спасеніи душъ человѣческихъ промышляетъ. Но и о сихъ, христіюбивыи царю, безъ гнѣва послушати благоволи: въ моръ постригшихся и подѣ началомъ не бывшихъ, ни своя воли до конца отринувшихъ во епископы поставити блюди себе; і ихъ бо ради не мала бѣда бываетъ въ церкви, еще и мудрствующихъ і свое хотѣніе творящихъ. Но і о сихъ, христію-

¹⁾ Къ Тимоѣ. 296

бывыи царю, да не сумнишися, яко скудость архиерей инаши въ державѣ царствія твоего: всея бо области соборомъ безъ сомнѣнія судится епископъ, но не отвергнися престола съ клятвою, якоже и Никона; власть архиерейскую имущаго, обличена бывша о грѣсѣхъ или въ ереси суща, сейже безъ совѣта, самага себѣ связавъ, безсовѣтнемъ держимъ и дерзостнымъ ради и не соборны клятвы и дѣйства самъ себѣ убить. Како о томъ соборъ? Великии князь Василей Васильевичъ митрополита Исидора отъ митрополіи властне изверже и въ Чюдовъ монастырь посла; но и Зосима, новгородския ереси суща, 6 архиереовъ рускихъ со архимариты и игумены отъ сана избергоша і въ него мѣсто поставиша Симона, игумена Троицкаго монастыря, въ митрополиты. Сие же сотворше, не правиломъ противящеся, но да не вдовствуетъ свята соборная и апостольская церковь. Аще бо и пространно царство благочестивыя державы; но не во мнозѣхъ градѣхъ епископии. Аще бѣ воля твоя, мощно бѣ быти, якоже і въ прочихъ паствахъ, епископомъ при благочестивыхъ греческихъ царѣхъ, точию уравненіе было въ церквахъ и въ вотчинахъ 300 церквей, — 500 крестьянъ — безъ нужи епископія; а гдѣ малыя зборы отъ церквей мощно дать и 400 церквей епископу; и по сей въ ростовской епископіяхъ мощно быти отъ нихъ многимъ епископіямъ, такожде і въ другихъ паствахъ, гдѣ 1000 церквей і крестьянъ.

Статія 30-я. Пишетъ Никонъ, о благочестивыи царю: что оныхъ трехъ инокъвъ проклялъ, будто они наругаются исповѣданію православныя вѣры, присланнаго ему отъ святѣйшаго Паисея, цароградскаго патриарха: и во святѣй, де, литургіи въ божественныхъ таинствахъ не довѣруютъ и недружбы чинятъ, противъ того, что онъ ісправилъ думою и благословеніемъ святѣйшихъ вселенскихъ патриархъ, а во благодости до своей никогдаже хотѣлъ ни прибавити ни убавити отъ церкви, опрочъ правилъ святыхъ апостолъ и святыхъ отецъ; еже есть: Кормчюю книгу въ тисненіи печатномъ перебилъ и со старыми писанными книгами отнюдь несходны устроилъ; единъ выходъ былъ, а самыи несогласныи: и съ которыя будто и печатавы, и съ тою несходны. Также и прочія книги, при патриаршествѣ его тисненіемъ печатныи

изданныя, мятежа и смущения исполнены и 6 бо выходовъ служебниковъ мудрования его сами въ себѣ согласия не имуть. Но и *Скрижалъ* духовная сама въ себѣ несогласна: существа перебиты, а толкованнемъ съ нашими древними печатными служебниками во многомъ несходно. Да аще онъ, Никонъ, отъ царсградскаго патриарха Паисея вѣре научился и исправити потнася: царствующаго града Москвы благочестивніи и христіюлюбивніи цари і великія князи і князи і бояря и преже его бывшія 5 патриарховъ і преосвященныя митрополиты, и архіепископы и епископы, священноархимариты і игумены, протопопы, іерей і дьяконы, і святыхъ великихъ обителей і прочихъ монастырей мнѣши, паче же и старцы и христіюлюбивый православный росіискіи народъ ушто до него. Никона, не право вѣровали и безкровную жертву Господеви всегда приносили туне? Ого дерзости и безстыднѣ! Не насытився, убивая вѣрныхъ душа; глаголетъ, яко исправляя и не хотящихъ послѣдовати прелестному его мудрованию проклинаетъ. Не ною убо начинающе святніи они старцы, во древнее святыхъ отецъ преданне утвержающе, вѣрныхъ души отъ смущенія свободити тщашеся. Глаголай же, яко не хотѣлъ прибавити ни убавити опрочѣ правилъ святыхъ апостолъ і святыхъ вселенскихъ соборовъ, приказывалъ: какъ ни есть толко не по старому. О книгахъ убо, благочестивыи царю: — что извѣщалъ преосвященный Паисія тебѣ, благочестивый царю, которыя отъ многихъ странъ собраны заперты безожиточно, — пишетъ Никонъ, что въ ево далныя монастыри отвезены, — не въ царствующемъ граде Москвѣ. Почто, христіюлюбивыи царю, попусти еице — не реку, человеку, но звѣрю, и нимало добра смыслившу святѣи церкви и державѣ царствія твоего?

Спихъ ради молимъ тя, христіюлюбивый царю: даждь пастыря церкви и благочестивую державу царствія твоего отъ крайняго безчестія свободи и вѣрныя люди отъ смущенія избави. Даждь миръ церкви, да не предваритъ насъ отъ Бога праведный гнѣвъ; но да, и чисту молитву возславши Вседержителю Богу, предваримъ лице Его исповѣданнемъ и получимъ милость, славяща святую Троицу, Отца и Сына і Святаго Духа, нынѣ и присно и во вѣки вѣкомъ. Аминь.